



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

1 APRIL 2022 (JUMAAT)



KERATAN AKHBAR DAN MEDIA ONLINE (KPDNHEP)

1 APRIL 2022 (JUMAAT)

60,000 kg tepung gandum cuba diseludup dirampas

KUBANG PASU: Kementerian Perdagangan Dalam Negeri dan Hal Ehwal Pengguna (KPDNHEP) negeri berjaya merampas 60,000 kilogram (kg) tepung gandum di Kawasan Perindustrian Bukit Kayu Hitam dekat sini dipercayai untuk diseludup ke negara jiran dalam satu operasi kelmarin.

Pengarahnya, Rea Morn Verak berkata, rampasan di sebuah gudang itu merupakan hasil risikan selama tiga hari oleh pegawai dan anggota KPDNHEP Kubang Pasu di kawasan tersebut.

"Hasil serbuan pada pukul 11 pagi semalam, gudang itu menyimpan barang kawalan iaitu tepung sebanyak 60,000 kg yang bernilai RM132,000. Setelah semakan, kita dapati tempat ini tidak ada lesen untuk menyimpan barang

kawalan tersebut.

"Semasa serbuan, kita menahan seorang lelaki warganegara tempatan yang berumur dalam lingkungan 40-an dan dibebaskan setelah rakaman percakapan diambil," katanya dalam sidang akhbar di Stor KPDNHEP Kubang Pasu dekat Tunjang di sini semalam.

Beliau menambah, siasatan lanjut akan dijalankan termasuk mengenal pasti status kilang tepung gandum ini di Ipoh, Perak.

"Tindakan kes diambil di bawah Akta Kawalan Bekalan kerana menyimpan Barang Kawalan di tempat yang tidak dilesenkan.

"Mana-mana orang yang disabitkan kesalahan di bawah Akta Kawalan Bekalan 1961 boleh dikenakan tindakan undang-undang," katanya.



REA Morn Verak (kanan) memeriksa sebahagian tepung gandum yang dirampas di Stor KPDNHEP Kubang Pasu di Tunjang, Kubang Pasu semalam. - UTUSAN/JAMLIAH ABDULLAH

KPDNHEP Kedah rampas 60,000 kilogram tepung gandum bernilai RM132,000 disyaki disimpan tanpa lesen *Nasional* 22

Gudang sorok tepung gandum diserbu

Kubang Pasu: Sejumlah 60,000 kilogram (kg) tepung gandum dianggarkan bernilai RM132,000, dirampas dalam serbuan ke atas sebuah gudang di Bukit Kayu Hitam yang disyaki menyimpan barangan kawalan itu tanpa lesen.

Seorang lelaki tempatan turut ditahan dalam serbuan dilakukan Kementerian Perdagangan Dalam Negeri dan Hal Ehwal Pengguna (KPDNHEP) Kedah Cawangan Kubang Pasu kira-kira jam 11 pagi kelmarin itu.

Pengarah KPDNHEP Kedah, Rae Morn Verak, berkata ia susulan hasil risikan selama tiga hari yang diketuai Ketua Pegawai Penguat Kuasa KPDNHEP Kedah Cawangan Kubang Pasu, K Muniandy.

"Hasil siasatan mendapati gudang itu dipercayai dijadikan tempat transit sebelum tepung gandum berkenaan disyaki diseludup ke Thailand.

"Kilang pengeluar tepung gandum terbabit dipercayai terletak di Ipoh, Perak.

"Dalam serbuan itu, kita turut menahan seorang lelaki tempatan berusia lingkungan 40-an dan dia dibebaskan selepas keterangan diambil," katanya pada sidang media di stor KPDNHEP di Tunjang, semalam.

Beliau berkata, siasatan lanjut masih dijalankan, termasuk mendapatkan dokumen berkaitan daripada pemilik gudang itu untuk tindakan seterusnya.

"Setakat ini, bekalan tepung gandum dalam pasaran adalah



Rae Morn (kanan) dan Muniandy (dua dari kanan) menunjukkan tepung gandum bernilai RM132,00 yang dirampas pada sidang media di stor KPDNHEP di Tunjang, Kubang Pasu, semalam.

(Foto Zuliaty Zulkiffli/BH)

mencukupi. Namun, kita bimbang jika langkah segera tidak diambil, berkemungkinan bekalan tepung gandum yang juga antara barangan kawalan, akan terjejas dalam pasaran.

"Permintaan tepung gandum dijangka meningkat dalam fasa peralihan ke endemik di mana banyak perniagaan sudah mula atau kembali beroperasi.

"Kita akan menjalankan pemeriksaan lebih ketat bagi memastikan bekalan seperti tepung, gula dan minyak masak sentiasa ada dalam pasaran," katanya.

Rae Morn turut memaklum-

kan, harga subsidi bagi satu kilogram tepung gandum ialah RM1.35, manakala harga bukan subsidi pula RM2.20 sekilogram.

Justeru, beliau berkata, pihaknya juga akan menyiasat sama ada tepung gandum dirampas itu adalah tepung subsidi ataupun tidak.

"Gudang itu tidak mempunyai sebarang rekod serbuan. Bagaimanapun, kita akan menjalankan siasatan lanjut berkaitan status gudang itu, manakala tepung gandum terbabit dipercayai dikilangkan di Ipoh, Perak," katanya.

Rae Morn berkata, pihaknya antara lain akan memeriksa rekod transaksi perniagaan terbabit sama ada ia untuk kegunaan tempatan atau aktiviti lain.

"Kes akan disiasat mengikut Akta Kawalan Bekalan 1961 yang jika sabit kesalahan, boleh didenda tidak melebihi RM1 juta atau penjara tiga selama tahun atau kedua-duanya sekali," katanya.

Dalam pada itu, Rae Morn turut memaklumkan setakat ini, pihaknya hanya menerima laporan berkaitan kekurangan bekalan minyak masak di Kedah.

Rampas 60 tan tepung gandum disimpan tanpa lesen

Kubang Pasu: Kementerian Perdagangan Dalam Negeri dan Hal Ehwal Pengguna (KPDNHEP) merampas 60 tan tepung gandum yang disimpan tanpa lesen di sebuah gudang di Bukit Kayu Hitam di sini.

Pengarah KPDNHEP Kedah Rae Morn Verak berkata, rampasan dibuat menerusi serbuan jam 11 pagi kelmarin dan gudang ini dipercayai dijadikan transit

sebelum tepung gandum itu diseludup ke Thailand.

Beliau berkata, pihaknya akan menjalankan siasatan lanjut berkaitan status gandum itu dan tepung gandum yang dirampas dipercayai dikilangkan di Ipoh, Perak.

"Jumlah keseluruhan tepung gandum yang dirampas bernilai RM132,000.

"Seorang lelaki tempatan berusia lingkungan 40-an

sudah diambil keterangan dan kes disiasat mengikut Akta Kawalan Bekalan 1961," katanya pada sidang media di stor KPDNHEP di Tunjangan di sini, semalam.

Antara lain, Rae Morn berkata, pihaknya ada menerima laporan berkaitan kekurangan minyak masak di negeri ini dan seramai 172 penguat kuasa akan melakukan pemeriksaan ketika Ramadan ini.



RAE Morn (kanan) dan Ketua Pegawai Penguat Kuasa KPDNHEP Kubang Pasu, K Muriandy menunjukkan tepung gandum yang dirampas yang disimpan dalam sebuah gudang tidak berlesen di Bukit Kayu Hitam. - Gambar NSTP/ZULIATY ZULKIFFLI

60,000kg tepung gagal diseludup masuk ke Thailand



MORN VERAK (kanan) menunjukkan tepung gandum yang dirampas di stor KPDNHEP Kubang Pasu di Tunjang Kubang Pasu, Jitra semalam.

JITRA – Kementerian Perdagangan Dalam Negeri dan Hal Ehwal Pengguna (KPDNHEP) negeri merampas 60,000 kilogram (kg) tepung gandum dipercayai untuk diseludup ke negara jiran di Kawasan Perindustrian Bukit Kayu Hitam dekat sini kelmarin.

Pengarahnya, Rea Morn Verak berkata, rampasan di sebuah gudang itu dilakukan hasil risikan selama tiga hari KPDNHEP Kubang Pasu diketuai Ketua Pegawai Penguat Kuasa Daerah, K. Muniandy.

"Hasil serbuan pada pukul 11 pagi semalam, gudang itu menyimpan barang kawalan iaitu

tepung gandum sebanyak 60,000 kg yang bernilai RM132,000.

"Setelah semakan dilakukan, kita mendapati tempat ini tidak ada lesen untuk menyimpan barang kawalan tersebut," katanya pada sidang akhbar di Stor KPDNHEP Kubang Pasu, Tunjang dekat sini semalam.

Kata beliau, pihaknya turut menahan seorang lelaki tempatan berumur lingkungan 40-an dan dia dibebaskan setelah rakaman percakapan diambil.

"Siasatan lanjut akan dijalankan termasuk mengenal pasti status kilang tepung gandum ini di Ipoh, Perak.

"Tindakan kes diambil di bawah Akta Kawalan Bekalan kerana menyimpan barang kawalan di tempat yang tidak dillesen," ujarnya.

Beliau juga tidak menafikan permintaan terhadap barang kawalan seperti tepung gandum yang tinggi mengundang pelbagai aktiviti penyelewengan termasuk penyeludupan ke luar negara.

"Barang kawalan ini sangat mahal di luar negara dan ketika memasuki fasa endemik permintaan untuk tepung gandum sangat tinggi yang mana sektor perniagaan kembali beroperasi," jelasnya.

KPDNHEP tingkatkan penguatkuasaan

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) mempertingkatkan tindakan penguatkuasaan di pintu masuk sempadan susulan pembukaan sempadan negara pada Jumaat.

Menterinya, Datuk Seri Alexander Nanta Linggi berkata, tindakan itu dilakukan dengan kerjasama agensi-agensi berkaitan seperti Polis Diraja Malaysia, Angkatan Tentera Malaysia, Jabatan Kastam Diraja Malaysia, Agensi Penguatkuasaan Maritim Malaysia dan Jabatan Imigresen Malaysia.

"Ini bagi memastikan isu berkaitan ketirisan barang kawalan termasuk minyak masak bersubsidi dibanteras

sepenuhnya," katanya dalam kenyataan pada Khamis.

Menurutnya, masyarakat disarankan menjadi mata dan telinga kepada pihak berkuasa dengan memberikan kerjasama sekiranya mempunyai sebarang maklumat berhubung aktiviti penyelewengan barang kawalan.

"Penglibatan masyarakat dapat membanteras aktiviti penyelewengan barang kawalan hingga ke akar umbi," katanya.

Jelas beliau, sejak Januari 2018 hingga Februari lalu, kementerian merekodkan 401 kes, membabitkan kesalahan berkaitan pembekalan minyak masak termasuk bersubsidi melibatkan nilai rampasan RM15.57 juta.

SSM anjur PUM22 babit 1,000 pelajar

Kuala Lumpur: Suruhanjaya Syarikat Malaysia (SSM) menganjurkan Program Usahawan Muda bagi tahun 2022 (PUM22) membabitkan lebih 1,000 pelajar dari Pusat Pendidikan dan Latihan Teknikal & Vokasional (TVET) Putrajaya, Pusat Latihan GIATMA-RA Kuala Lumpur, Jabatan Pendidikan Politeknik dan Kolej Komuniti Putrajaya.

Ketua Pegawai Eksekutif SSM, Datuk Nor Azimah Abdul Aziz berkata, program dalam talian itu bertujuan memberi pendedahan kepada pelajar menguruskan sesebuah perniagaan.

"PUM22 adalah program khas yang dianjurkan bagi memberi kefahaman berkaitan tatacara serta perundangan yang ditadbirkan oleh SSM berhubung pendaftaran perniagaan.

"Selain itu, peserta mendapat pendedahan faedah mendaftar perniagaan, strategi perniagaan dan pengurusan kewangan, strategi pemasaran digital dan per-

kongsian usahawan berjaya," katanya dalam kenyataan.

Menurutnya, SSM merancang menganjurkan lima lagi sesi PUM22 di Negeri Sembilan, Pahang, Kelantan, Pulau Pinang, dan Sarawak dengan kerjasama institusi sama.

"Sebagai menyokong usaha melahirkan ramai usahawan dalam kalangan pelajar institusi pengajian tinggi (IPT) termasuk usahawan B40, SSM memperkenalkan Skim Pendaftaran Perniagaan Prihatin (SPPP) yang memberi kemudahan pendaftaran perniagaan percuma kepada golongan ini.

"Melalui skim ini, golongan B40 dan pelajar IPT sepenuh masa yang ingin mendaftar perniagaan akan memperoleh penjimatan RM60 bagi pendaftaran perniagaan menggunakan nama tred, RM30 bagi pendaftaran menggunakan nama sendiri seperti di kad pengenalan serta penjimatan RM10 untuk cetakan maklumat perniagaan," katanya.